

Nutaannguqtiqtaghat pitquhia havaaghallu ihumagiplugit, NIRB-kut inungnik ilaupkaiplutik ihivriuhivaktut tughirautauyumik malighugu Ilanga 12.8.2 talvani Nunavunmi Nunataarutitut Angirutinit, nunallaaqnit katimapkaiplutik ilittuqhitiplutik qauyihagtaitik havaaghanut tughirautauyunik. June 13-mi, 2016-mi NIRB-kut tunihimayut naunaitkutanik inungnik katimapkaivianik Ministanut munaqtiuyunut, angiqhiquiplutik taapkuninnga 2015-mi Nutaannguqtiqtaghanut Tughirautinit aullaqtiquplugit maliklugit nutaat uqauhiit maliktaghallu titiraqhimayut talvani Katimayit naunaitkutainit.

Titiraaghaqmingnit August 29-mi, 2016-mi taamna Ministauyuq Nunaqaqqaqhimayut Ukiuqtaqtumiullu Ikayuqtiinit, kiupluni kivgaqtuqhugit ahiit ministauyut ilauyut, naammagihimayait NIRB-kut naunaitkutait pitquhimayaillu, tamatkiumaplutik ihuaqhaqtauhimayunit naunaitkutanit July 22-mi, 2016-mi. September 20-mi, 2016-mi angiqtauhimangmat Ministamit tunihitinnatiklu nutaannguqtiqhimayumik Havaaghanut Titirautinit, NIRB-kut Katimapkaihimayut Havaaghanut Titirautit mighaagut aullaqtittumaplugit Havaaghanut Titirautinit uqauhiit maliktaghallu ihumaliuriami ahiagut uqauhiqariaghainik.

Tamangnik naunaitkutait ilauyut NIRB-kut ihumaliutqiktaitnut uqauhiqnut maliktaghanullu talvani Doris North-mi Havaaghanut Titirautinit nappa 003 takuyaunginnarialgit NIRB-kut qaritauyakkuurutainit titiraqvianit talvani www.nirb.ca atuqhugit kitukiaq qiniqhianiqmut maliktaghait:

- Havaap Atia: Doris North-mi Uyaraghiuqvik
- NIRB Titiqqait Naahauta: 05MN047
- Tukhigaut Nappaa: 123632

Numiktiqtauyut nutaannguqtirutit Havaaghanut Titirautinit tuniyauniaqqullu hailiyaukpat.

NIRB-kut havaqatigihimmaarumayait tamangnik ilauyut munarahuaqhugit Doris North-mi Kulunik Uyaraghiuqviat qakugunnguraangallu ilittuqhitiyangniat aullaqtitpalliyainik Doris North-mi Havaaghanut Titirautinit hivumuuqpalliaplutik.

Naunaittiarumaguffi, hivayaqlugu:

Ryan Barry, Atanik Aulapkaiyuq
Nunavunmi Avatiliriryuakut Katimayit
1-866-233-3033 uvungaluuniit rbarry@nirb.ca